

COMUNICAU NAZIONALISTA

O COMITE D'EMIGRANS NAZIONALISTAS D'ARAGON EN CATALUNYA, en un auto zelebrato en os locals de o Rolde Aragonés de Barzelona, en o Casal de Barri de Marianao, chunitos en a-samblea, aprobé por unanimidá un documén que declara ra total identificazi3n de a reyalidá autual d'Arag3n con as Republicas Balticas.

Entre Letonia, Lituania y Estonia - **con as cuals mos solidarizamos** - y Arag3n, existe una correlazi3n esclatera de feitos y situgazions, porque tanto en as primeras como en o segundo bienen endurendo ra presenzia en o suyo casal d'un Estau que de cutio ha prebato d'esclafar y apoquedezer a cultura y a fabla propia, adubindo-lo, no rispetando o dreito d'endrezar-las ta ra suya remontadura, meyán a estratexia de dixer a ro pueblo inorán de a esenzia suyiza. Antimás ha conculcato ros dreitos istoricos como nazions independiens que esti3n, atorgando un mal suzedanio d'autogobierno -republicas sobieticas u estatuto d'autonomía- que no fa que refirmar de raso a dependenzia de o Estau zentral.

Tanto en as Republicas balticas como en Arag3n, l'Estau monolitico antis asolutista y agora d'esnzia chacobina ha feito de as respeutibas tierras un péndiz d'er mesmo, con o fin d'enamplar y enfortir o suyo traste politico, economico y melitar. Politico, ta enamplar l'aria d'influyenzia y exemonia. Economico, ta aber-ne de fuens de recursos, mercaus y reserba de man d'obra y melitar ta meter-bi guarnizions y reclutar soldaus. Isto nunca ha estau reconoxito meyán bella contrimuestra positiba, contrariamén, cuanto más se'n han lebau más han aimato furtar-bi.

O MIO PAIS

ARAGON

Tanto Letonia, Estonia y Lituania como Aragón, tresbatió a suya independenzia como resultau de l'aplicazió de o dreito de conquista, un dreito que como toz sapen ye ro dreito an s'amparan os despotas y os furtaires ta chustificar-se. Antimás, han endureto a presenzia de fuerzas represibas -aborrezitas por a poblazió- destinadas a enreblar y esnazionalizar o pais por o camín de a biedadura y de a bestieza de os suyos metodos. Estranias en a tierra y de bizcuerno catar a ro pueblo.

Y anque ra unica diferenzia entre as Balticas y Aragón siga que eras han endureto solamén 50 añadas de pribadura de a suya independenzia y Aragón 300, isto no senifica que se lexitime más a presenzia de o Estau zentralista castellanomorfo en Aragón que a presenzia de a URSS en as Republicas balticas.

Por tot y por isto o CENAC desixe que s'ubra o debate sobre l'autodeterminazió d'Aragón en todas as dempas instituzionals y sozials d'Aragón. Dilla do aiga bel representán popular, una asoziazió, una comunidá de ziadadans que en as suyas funzias se consideren autenticamén aragonesistas s'ha a planteyar como custión irrenuziable l'autodeterminazió de o pueblo y a tierra d'Aragón.

Aragón bi ha una larga istoria de luitas con un fuerte carauter nazionalista, de primeras contra l'Imperio catalán dimpuesas contra l'Imperio castellán, agoa no bi'n ha razón ta reblar y tresbatir a esnzia de a nuestra istoria.

Si tresbatimos o que semos estau nunca seremos un país libre.

